

經部

欽定四庫全書 讀易日的熟日

詳校官國子监然河 吃 雅吉善

通政使司副使臣英瞻兼覆山 校對官主簿臣汪日賛 總校官庶古士 百 思 釣

勝銀監生臣張鴻恕

沙芝四百人王書 Carried Street - The state of 詩馬日鈔 部 易類

金ラに人ノニー 卷七 卷六 卷五 卷四 下經三 下經二 下經 經目


死至口上 在三十二 卷 説卦傳 繁幹下 雜卦傳 序卦傅 國朝張烈撰烈字武承大與人康 熙庚戌進士 已未舉博學宏詞歷官左春坊左對善是書 臣等謹案讀易日飲八卷 讀易日鈔


金天正月日書 易簧前數日尚合蒙引通典存疑諸書考訂 益孫升孫紀實云此稿已刑 事就事陳理循說易家之切實者舊有其子 理不指事而萬事萬理果具大指在因象段 知來藏往二義旋加改補云云則其用力 周逐卦繫易逐畫繁文全是假物取象不言 無窮伏義畫為奇偶再倍而三因重而六文 以朱子本義為宗謂易者象也言有盡象 潤四十餘過至 亦

四年二月恭校上 削除此議用杜虚聲標榜之漸馬乾隆四十 謹嚴如是允長等豈未之聞乎今録是書而 禮處人不欲妄相尊重干國家易名之典其 儒張載之沒門人欲為作私益司馬光力言 楊允長作私益議一篇冠于此書之首昔宋 其非當時手帖猶載張子全書之首古人以 可謂勤矣烈之沒也門人私益曰志道先生

た己り自己

讀易日飲





多好匹库全書 陷或為羅或為止或為說性乃不同或為雷或為 隂 而三以成八卦則陰陽交錯而或為動或為入或為 形 耦 陽凡為陽者其數必奇其性必健凡為陰者其數 太極自理之動則為陽静即為陰盈天地間非陰 二無也伏義仰觀俯察至透極熟欲舉以教人無 也然 其性必順此正其理之不可易太極所以恒管 似故借其數以明之畫一奇以聚陽畫一耦以 一陰一陽又有各生一陰 陽之泉故再 必 倍 可 即

たこり可にする 奇上下皆乾是陽之純而健之至也故乾之名天之 卦三畫皆陽則性猶夫健也故名之曰乾而泉獨為 或為木或為火或為山或為澤泉亦各類惟三奇之 變未聞之義理無不備具于中矣而惟此卦六畫皆 化消長人事得失情偽善惡亘古今人所未經之事 卦則六畫之內陰陽交錯愈極其變殊名異象而氣 而泉獨為地至於八卦之上又加八卦以成六十四 天三耦之卦三畫皆陰則性猶夫順也故名之曰坤 請易日彩

元亨利貞 其剛健有為處必擇至正無私之理而堅以守之乃 夫乾道本如是之大通而至正矣故人之筮得此卦 阻柔者易流于邪惟健則秉天理之正而確乎不易 天下柔者不足有為惟健則有能為之資而物莫之 順之至也故坤之名地之象皆不易馬 泉皆不易馬次卦六畫皆耦上下皆坤是陰之純 而 而六交皆不變者其占當得大亨而必利在正固凡

金与四月全書一

一跃定四車全書 一题 初九潛龍勿用 乎乾道而後利否則人與卦相違必不利矣 可以保其終益筮得此卦則其人之心與事必皆合 乾坤為四德二聖人各是發明一理耳 乾卦者只與諸卦一 貞之理矣○朱子曰元亨利貞四字文王本意在 辭想占得乾卦者即六畫之象已自知有元亨利 雲峰胡氏曰伏義時有乾卦畫未有元亨利貞卦 讀易日 般至孔子作然傳文言始以

方潛藏而欲發泄背時先動未有不速禍者 用故其象為潛龍其占曰勿用蓋居下而欲為上時 龍純陽之物靈變不測故以象乾初陽在下未可施 看出 使得○紫引曰潛龍勿用四字字字從初九二字 龍只是有個象自天子至於無人看甚麼人來都 此象而玩其占隐晦而勿用可也又曰如所謂 朱子曰潛龍勿用只是戒占者之辭遇此爻者觀 ナイニ 次定四車全書 · 九三君子終日乾乾夕惕若厲无谷 九二見龍在田利見大人 以重剛不中而居下之上性剛者好上人又居上位 日利見大人 可以及物而為物所利見也其象曰見龍在田其占 剛健中正大人之徳也居二則出潛而見於世故澤 臨川吴氏曰凡卦畫陽為大陰為小以三畫卦言 一居人位九居二故為大人 讀易日鈔

九四或躍在淵无咎 金ラセス とご 雖至夕而猶惕若則雖處厲地亦无咎 真危地也然性體剛健有乾乾強勉警惕不寧之象 故本其象以戒占者曰君子處此能如是乾而又乾 改諸卦多于三言終夕亦三泉日之終也○王氏 蒙引曰乾乾自強不息之意不然則頹惰放弛矣 日凡言无咎者本皆有咎處得其道故得无咎也 ○括蒼龔氏曰君子九泉終日三泉三下卦之終

たいとりませんはい 隨時審處故无咎 處于淵欲躍上天而猶疑而未定也其象如此是能 以陽居陰處上之下以能疑之人當可疑之地故身 在淵者淵乃龍之所宅非在田之可比在田不能 之下故謂之在淵淵甲於田二已在田今反謂之 凡事當選革之際皆宜如是 變而在淵有可變之道也○不必指定革命之事 山齊易氏曰九四已離下體故謂之躍猶在上體 讀易日妙

九五飛龍在天利見大人 金プロスノコー 上九九龍有悔 法又一例筮得二爻者宜見在下之大人若有見龍 聖人之位而人利見之故象占如此益此卦二五占 剛健中正大人之德五大人之位如以聖人之德居 陽極于上而不能下動必有悔故泉為亢龍占為有 之德則為宜見九五之大人也筮得五爻者宜見在 上之大人若有飛龍之位又為宜見九二之大人也

用九見晕龍无首吉 具至剛之您而養之以柔如龍之剛猛在首而今皆 六陽皆變則乾變為坤是本至健之性而行之以順 而不至於極則无悔矣 悔益當極盛之時必預處其亢使有變通可繼之勢 爻之通例也以此卦統陽而居首故于此發之而聖 用九言凡筮得陽交者皆用九而不用七此諸卦 人因繁之辭使遇此卦而六交皆變者即此占之益 陽

於定四車全書

被易日纱

彖 曰大哉乾元萬物資始乃統天 乾道无所不該而成形之大者惟天體乾者莫若聖 不見其首乃善道也故古 朱子曰卦之本體原是六龍今變為陰頭而雖變 為龍如此立象見其本剛而能用柔也 渾身却只是龍只一似無頭的龍相似○蒙引曰 不言无首不見其為變若只言无首又不見其本

武以天道明乾而以聖人合觀之莫不有元亨利

皆乾之元也使無乾則亦無元使乾無元則亦無始 大也乃元又不特始萬物而已凡自始而後天之全 無始則亦無物舉萬物皆取資于乾元以為始元何 最大凡元皆大而乾之元又最大大哉乾元乎何也 遂繼此而貞則生意成乾道本大而乾德之中 元又 貞之四德馬元者生意萌動之初氣之渾全盈溢而 人物動植之類本無忽有皆從何來推其得氣之始 顏然欲舒也繼此而亨則生意通繼此而利則生意

雲行雨施品物流形 かり ひん こう 可以見乾之亨乎 物得其滋潤莫不暢然各流其形而生生不已矣不 夫資始方有其氣而未有其形也至於雲行雨施植 完足之耳是一元即可以統天又何大也 化全功皆在資始時已具其後特本資始之氣而漸 出亨字神情不知其然而雲已行矣不知其然 上文說萬物此忽就品物說兩句指點唱嘆方形 111

次足刀車入島 大明終始六位時成時乘六龍以御天 為潛時當二自不容不見遂成其為見聖人明之如 前有終終之下又有始誰為為之益時之相逼而至 之間亦各因時而成如時當初自不容不潛遂成其 自然如是耳聖人大明乎終始之故乃知卦爻六位 夫乾道之元亨如此而聖人何如養元者始也始之 迤邐接去最可玩味 雨自施矣品物自然各流出形來枝枝葉葉自然 被易日動

金ブロ人ろう 元亨也 天則天下之人咸有生意而欣欣向治是亦聖人之 車避疾進退總在我意中也夫聖人在上能乘龍御 飛時九六龍惟意所用而天道自我御之矣御如 此 有始知終之有始而不知始必有終非大明也 終而不知始非大明也知始之有終而不知終復 日始終則盡矣日終始則无盡知始而不 則見之行事亦不越一時時潛時見時惕時 知終 躍 聖 御 時 知

時推移有水窮雲起之妙自潛而亢自亢而潛終 有修為全妙在就終始內悟出一時字悟得時字 起有物各付物之理合潛而潛合見而見時時各 身再无絕地惟節次逐段處看得分晓則時至事 逐段處看得分晓惟循環一貫處看得消融則與 不過是個終始于循環一貫處看得消融于節次 方信得六龍皆是時由是動静微彰莫不從時 仰觀俯察內考之身心外驗之事物打破機關 12.5 識易日鈔

多定过母全書 乾道變化各正性命保合太和乃利貞 若夫乾之利貞何以見之夫乾道運行無一息之停 化而有此變化二者造化之大機也惟一變一化氣 故無一息而不變變之久而有者忽化而無無者忽 候相催故物之資始者既不得不流形而流形者又 我御之而行矣益六龍如馬天如車聖人如人人 乘馬以御車聖乘龍以御天其機要止在一時 化出真覺六龍在我日用問題處備用天道之妙

模雖備而中未充滿久之則形質完固生意渾全凡 生理隨其貴賤大小莫不各得其分之所應有而內 實至此則華者將實凡物所東于天天所賦于物之 不得不日趨于實益當流形之時氣方發舒理猶未 之變化而流形者不得不各正各正者不得不保合 歉然未滿之處保合太和非貞乎夫惟乾道有自然 物身中陰陽會合冲和之氣無不保全和合而無復 無缺少外無侵易各正性命非利乎然各正之時規

次年 日年全至 局局日

+

首出底物萬國咸寧 分グレスとう 有是元則有是亨而利貞自相因而見四德不備 是乃所為利貞也 亦聖人之利貞也可見總一乾德有是乾則有是元 國各得其所而咸寧亦猶萬物之各正而保合也此 上以主宰萬民運行萬化猶乾道之變化也由是萬 以觀聖人亦有然者聖人而居島位首出乎臣民之 足為乾即其中而考其終始循其端倪元則必至於

象曰天行健君子以自強不息 不為人欲所屈自強不息則一身之間亦有天行之 之泉非至健不能也君子法之全乎天理之本然而 但言天行則見其今日一周而明日又一周若重復 天乾泉也凡重卦皆取重義此獨不然者天一而已 耳 而已天之所以生成萬物聖之所以致太平胥是物 亨利貞而貞下又生元終始无端亦時之不容不然

大江巴口山江西

職易日彩

潛龍勿用陽在下也 金云巴西台書 **肠釋龍下釋潛在下故潛潛故勿用** 健而天人相當矣 雙湖胡氏口小泉于乾初口陽在下也于坤初口 下體了故自強則不息一息則非強 下乾以不息體上乾益天行健三字已自不分上 法之當何如哉失其古矣又曰不可分以自強體 蒙引曰凡君子以等皆以现成者言時文云君子

沙正日臣 とこう 見能在田徳施普也 光已無不被 龍巴見則其德之所施巴溥如日方升雖未中天而 宜重看 雲峰胡氏曰提出一德自見九二之所謂大人者 陰始凝也陰陽之稱始此葢六十四卦陰陽之初 以德言非以位言也〇按德字施字普字逐字皆 爻即太極所生兩儀之一以為諸卦之通例 商易日動

飛龍在天大人造也 或雖在淵進无咎也 終日乾乾反復道也 金与四月全世 曰或則可以進而不必于進其進必以時矣故无咎 字重 造者起而在位有重新民物之義大人釋龍造 日終日日乾乾益重復踐行而一息不敢休也反復

亢龍有悔盈不可外也 用九天徳不可為首也 六爻皆用九則乾變為坤正以九者剛健之極天德 **亢之為害以其盈也盈豈能久** 也陽剛不可為物先故必變而用柔乃吉也 紫引曰自強不息正欲全其天徳之剛如何又不

人こり ヨーニラ

自無所不該天徳不可為首則偏言之天徳也對

频易日砂

可為物先益天徳之剛專言之天徳也舉其全體

文言 多定四库全書 文釋也言指文周之辭乾坤道大故又作文言以盡 此可見老易公私之辨 其後乃所以致其先跡雖不為首心實為首也觀 為首而實未當為首也老子曰後其身而身先居 **萊呂氏曰乾者蔥物之首非有心于首蔥物也雖** 柔順而言只是一邊道理耳故不可為物先○東

元者善之長也亨者嘉之會也利者義之和也貞者事 此一念以為長是元者善之長也有此元又何善不 塞矣故後此所以為善之實作用尚多而不得不推 意繼此方有善之可言使此生意一無則衆善之路 生于私忍則萬善皆生于惻怛人心中隱然有此生 心之元天地生生之理而人得之以為心夫萬惡皆 之幹也 元亨利貞四者不獨天道然也人心亦有之今觀人

7. 17. 1. 1. 1.

賣易日的

一多足匹庫全書 害利者義之和也有此利而何物不裁于吾心乎觀 集于心益理之嘉美猶各為一理惟此心則眾理會 自有裁制其用嚴斷不苟而能使物各得宜不相妨 此身又何理不燦列吾心乎觀人心之利本心之中 統于吾心乎觀人心之亨則凡事理之嘉美無不會 于中而萬事依此以立貞者事之幹也有此貞而 人心之貞本心之明識得正理自能守其正理為主 聚之所非有其一端而遺其一端亨者嘉之會也有 何

飲定四車全事 君子體仁足以長人嘉會足以合禮利物足以和義貞 本心之元不使刻忍之私或傷其生生之性一身百 夫四德具于人心如此而全之者惟君子君子全其 固足以幹事 事非心主之乎甚矣人心之四德如此其大也 在人為善長 禮智看但不必露出仁義禮智〇元在天為統天 四句純以天徳之在人者言元亨利貞就當仁義

商易日動

嘉之物也而其嘉美之理及缺而不備矣嘉其所會 問之則其會于吾心者皆物欲之私偏邪之累盡不 而會者有不嘉益吾心中本含載許多天理惟私意 量真足以為天下君矣惟體仁足以長人而所謂善 理无窮本會于吾心必嘉其所會不使嘉者有不會 之長者果在我矣君子全其本心之亨以為嘉美之 事無往非仁覺天下無一人不在所愛之中此其心 體莫非生意流行是我為仁之體也體仁則舉念行

分りせんと言

之以立負固足以幹事而所謂事之幹者果在我矣 意邪見摇奪其中然後有以主持事變而天下事依 矣君子全其本心之貞識其正理固以守之不使私 見為和順利物足以和義而所謂義之和者果在我 不使任私行意挑亂物宜則其義之分别嚴斷者適 在我矣君子全其本心之利因物裁物各得其所必 使會于吾心者無非天理至粹之則而行事安有不 合其節文者惟嘉會足以合禮而所謂嘉之會者果

大足刀声心动

職易日動

初九日潛龍勿用何謂也子曰龍德而隱者也不易乎 金月四月全書 君子行此四德者故曰乾元亨利貞 世不成乎名避世無悶不見是而無悶樂則行之憂 亦四德也而皆一乾所自有大哉四德乎大哉乾乎 徳者故經大必日乾元亨利貞惟乾乃有此四德惟 四德也聖之所以致治者四德也君子之行于身者 君子乃能行此四德也合而言之天之所以成化者 然則四他雖人所共具然必君子之健乃能行此四

潛有隱義潛而曰龍則其隱不同乃以聖人神明不 則違之確乎其不可拔潛龍也

以變易所守不自表以急成其名惟龍德則內無歉 測之龍德而隱者也惟龍德則外无慕于物不希世

非隨世浮沉者所能染亦非慎世孤介者所能議 有憂乎時則違之亦不疑行藏操縱確然自有至理 不成矣惟龍德則心无意必有樂乎時則行之无疑 于已雖遯世雖人不以我為是而皆无悶非特不易

大人上日十七十二

讀易日動

金月世月月日 九二日見龍在田利見大人何謂也子曰龍徳而正中 見矣然猶恐有不信不謹之邪念乘之必防問其邪 之至雖庸言亦必信庸行亦必謹天徳之无問亦 德博而化易 回見龍在田利見大人君德也 者也庸言之信庸行之謹閑邪存其誠善世而不伐 非特趣世不見是之无問矣以此远而觀之誠神明 于隱者故為潛龍也 一亦龍徳而正當潛躍之中此其為徳何如益盛徳 可

非君位而其德如是德之及人如是是已全乎君德 中使然也故易曰見龍在田而即稱以大人益二雖 被其徳者從而自化莫知誰之為此又其時位之正 由是信謹所爭誠意所格德无不被亦既博矣而凡 存之加嚴也夫德愈盛而功愈密善愈大而心愈小 使信謹之誠存而不失是其天德之純而言皆可法 比聖人之純亦不已而人莫之測所謂龍徳者此也 行皆可則善益乎一世矣而不自以為善世猶是開

大大日本人

讀易日動

金少世人人 九三曰君子終日乾乾夕惕若厲无咎何謂也子曰君 君子之所為乾乾者何事乎為人必有當然之理因 有當盡之事理得而具于心曰德事成而積于身曰 **惕雖危无咎矣** 故居上位而不驕在下位而不憂故乾乾因其時而 業也知至至之可與幾也知終終之可與存義也是 子進德修業忠信所以進德也修辭立其誠所以居 也非大人而何

欽定四庫全書 所以進德也日日修業則日日守定此事不分心于 不出于此而不可者具此實力乃能日異月新忠信 惟忠信凡信理未篤見理未真悠游浮泛則今日 精益備勉勉馬日修其業而不已也顧德何以進 日切汲汲馬日進其徳而不已也分所當為之事益 業尚德可任其不進業可任其不修則急止廢缺已 耳何乾惕之有夫君子之乾惕益其造理之功日親 明日仍此人云何進惟盡已務實其認理怨切有 讀易日鈔 此 則

檢 夫所謂忠信者果何如而忠信之可以進徳者又何 此業日日修之而不報矣修辭立其誠所以居業也 忠信之心不至汨沒動搖而不得立乃能一心守定 必修治言辭者意檢點所言必所行所行必所言使 以忠信進德則已有是造理之誠矣特臨事之時不 他是修業即居業也業何以居則惟修離立其誠益 則向之忠信漸衰漸薄豈能久居此業而不懈故 所得之理實盡其事而徒逞快于言辭辭不能 自

欽定四庫全書 必于理道幾微之境有日解所未解日獲所未獲者 日終真知終之所在而身必詣馬務求極于所終之 可以居業者又何如益事之究竟成結而不可易者 與幾而德不已進乎所謂立誠者果何如而立誠之 而後其德為能進今唯知至至之則可與為此矣可 是為忠信如是則理之幾微無不辨矣夫進德之士 而心必趨于是馬真知實請求造乎理之極而後已 如益理有極至而不可易者曰至惟真知至之所在 請易日動

其時之當惕而惕則驕憂不生雖危无咎矣甚矣君 業不已修乎夫人之居危而有咎者以其驕與憂也 為能居今惟知終終之則可與為此矣可與存義而 下之見也君子乾乾進修何暇騙與憂乎故乾乾因 此義遂確乎存于我矣夫居業之士必于日用當 地而不苟止是謂立誠如是則終一事即獲一義而 人之有驕與憂者以其不係心于進修而惟存乎上 之宜有此日存而不失日日存而不失者而后其業 行

The Circles and Company 九四曰或躍在淵无咎何謂也子曰上下无常非為邪 緩則後時惟適及其時正或之神 變動正君子進修之實又何咎及者稍急則先時稍 進德修業亦思有為于天下欲及時而進也況及時 上下者進退之已成進退者上下之未定君子既已 子之當乾乾于進修也り字意 无咎 也進退无恒非離晕也君子進德修業欲及時也故 讀易日鈔 時字即照 主

多分四月在書 上九日亢龍有悔何謂也子曰貴而无位高而无民賢 九五日飛龍在天利見大人何謂也子曰同聲相應同 發利見之故未講大人 盡本乎天者三句又推所以聖作物觀之理此節只 物 同聲相應至聖人作而萬物覩一氣相形說正意已 氣相求水流濕火就燥雲從龍風從虎聖人作而萬 在下位而无輔是以動而有悔也 都本乎天者親上本乎地者親下則各從其類也

欠いううしいう 潛龍勿用下也 文言前節龍徳而隱以下既詳六爻之義以申象傳 咎 高而无民五陽皆在下是賢人在下位也凡樂有賢 之者無位則權去無民則勢孤無輔則身危安得无 无位凡所謂高者以民皆據附之也上則亢矣故雖 凡所謂貴者以其正當要路也上則亢矣故雖貴 人在下者以其為我輔也今以上九之亢而莫有輔 題易日彩 Ŧ

或躍在淵自試也 見龍在田時舍也 終日乾乾行事也 多分四样全世 乾乾非徒慶乃行所當行而不自急也 猶未為時用也 之意至此又約其旨而中之曰初九所謂潛龍勿用 者以其位之下也位當在下雖龍德其敢用乎 一之德施普德博而化益其德自能致之若以位則

乾元用九天下治也 亢龍有悔窮之災也 飛龍在天上治也 他卦之用九者何限不得為剛而能柔之義惟乾之 凡事不可窮極窮則災生亢之有悔正窮之災也 大人不必皆有位惟飛龍乃為得上位以治下也 髮淺深斟酌自知之而已 云或者自試其時之可而後進也進退之機間不容

讀易日彩

主

見龍在田天下丈明 潛龍勿用陽魚潛藏 愚民混處本皆鄙野无知自大人現于世雖未為時 潛藏以為用基也 主于發施而亦以能藏為本曰潛曰勿用正陽氣之 又申前意以性情言謂之乾以無言謂之陽陽魚雖 不有以此用九則張弛協中寬猛互用天下可治矣 用九有元德馬乾元貫四時包四德剛柔温肅無所 **欽定四車全書** 或躍在淵乾道乃革 終日乾乾與時偕行 宜審故或 革者去舊之義上下皆乾至四乃革下而登上變革 乾惕用力勤苦似非聖人之事然以時之危厲當惕 則惕是即時乘變化之理與時偕行非聖人不能也 知者始煥然而有明矣 用而德博而化天下被之鄙野者始秩然而有文無 請易日動 二十四

乾元用九乃見天則 元龍有悔與時偕極 飛龍在天乃位乎天徳 時 隨而削之者與時倍極則有悔 乎時時有宜隨而順之者與時俗行則无咎時有宜 其德宜居此位故稱天位為天德 九五之位非無徳而徒居其位也乃位乎天德者也 既極不知自退乃與之偕極宜其悔也易道莫大

たれりまれたい 利貞者性情也 乾元者始而亨者也 乾之有元人亦知所以為乾元者乎元為物所資始 而不徒始物有資始即有流形始而亨即隨之者也 也 分劑存乎其間人君以此用九然後天則于此而見 不及者也惟乾元統天則天道運行之內自有節量 剛柔適中天之法則也則者理之有限節而无過无 讀易日動 主

乾始能以美利利天下不言所利大矣哉 金万四月百十 于斯且能使物各得所宜以美利利天下而物之利 也恒于斯又能收藏生意不自顯言其所利而物之 乃知乾元之始既已始而亨矣乃不惟物之亨者恒 則 趨于實而各足其秉賦之性各含其生生之情者也 然則元亨利貞析之則四合之則二其實貫而一之 然豈徒亨而已哉所謂利貞者亦不過乾元之氣日 渾然一元之氣也

大三日日 白山 大哉乾乎剛健中正純粹精也 下又生元其行適匀無過不及中也元自為元亨自 亨而亨亨之後繼以利當利而利利之後繼以貞貞 乾乎豈一徳之可名乎元而亨亨而利利而貞其體 夫乾之元能終始萬物如此則甚矣乾之大也大哉 有以主萬物而無少屈撓何其剛其用有以運萬化 貞而成也亦恒于斯信乎乾元之統天也大矣哉 而無少問息何其健且當元而元元之後繼以亨當 清易日剑 千六

六爻發揮旁通情也 之大矣 夫乾道如此其大則即元亨利貞之四言已正舉其 何其精也夫乾之德至于屢詞不足以盡之甚矣乾 粹則極其純粹而至于不可致思不可名言之地又 中正足以盡乾乎乃剛健則極其剛健而不雜于陰 為亨利自為利貞自為貞其立各足無偏正也剛 柔純矣中正則極其中正而不雜于邪惡粹矣且純 健

金ブビスとう

時乘六龍以御天也雲行雨施天下平也 是以聖人在上時乘六龍以御天也張弛動静無一 健中正純粹精之理矣是合六龍而觀之無非天道 義而直通之矣而由是有六爻又各為發揮則凡乾 之機而完其後則萬民各得其所而不知誰之力但 非天但見其改教流布雲行馬雨施馬有由始而亨 變化之妙也 之藴无不旁通曲盡而凡遇一時一事皆各有一剛

大足可有五百

清易日動

重ジャカノコー 君子以成德為行目可見之行也潛之為言也隱而未 成德為行也夫初九之德已成則宜日可以見之于 哉 之德而發之為行則理熟養定自能經濟世務是以 也中無定體外何以應用而為行若君子以其已成 理之得于心為徳或得而未堅堅而未大皆非成德 見行而未成是以君子弗用也 見其天下之平而已聖人之元亨利貞與天又何異

君子學以聚之問以辨之寬以居之仁以行之易曰見 以聚之又貴有以辨之所聚所辨貴有以居之又貴 大人之德前言信謹問那不伐舉其德之已盛者言 龍在田利見大人君徳也 業猶未能成是以君子弗用耳 之也若其所以成此德之功何由乎天下之理貴有 行也乃猶曰勿用何邪益初九時當乎潛潛之為言 也其德雖成猶隱而未見于世不為人所知則其事

大小上口 Later Comic

題易日動

金少世屋と 當于理而内無私心如是以行之也君子由此四者 容而係理自見也及其事至物來之時則又審其外 私 所辨之理既治博無盡又須我心寬潤不執一見之 有精粗必考問師友以辨析之于至明也至于所聚 物在方册者皆欲聚為我有也然所聚之理有是非 以成大人之德故易直謂之大人以其君德已備也 有以行之君子必也多聞見勤體求舉凡理之在事 不取迫求之效公虚悠裕以居貯之使其細大皆

队定四車全書 九四剛而不中上不在天下不在田中不在人故或之 九三重剛而不中上不在天下不在田故乾乾因其時 或之者疑之也故无咎 九三猶可安居人位以盡人事為責四則變草之際 餐之四爻同此 以重剛不中而位非上下之安危地也惟乾惕可以 无咎前數條止言乾惕之實未詳九三之象故于此 而惕雖危无咎矣 讀易日動 主九

夫大人者與天地合其德與日月合其明與四時合其 者莫大乎四時天地之屈伸往來而福福萬物者莫 大人也夫大人者何如哉夫天下莫大于天地天地 前之釋五皆言其飛之義利見之義未言其所以為 之重象而照臨者莫大乎日月天地之循序而運行 天且弗違而況於人乎況於思神乎 序與思神合其吉凶先天而天弗違後天而奉天時 進退未定非可安坐修職者比矣故或

故有時天所未有之事聖人以已意創為之是先乎 與日月合其明也張弛互用與四時合其序也威福 貞無私覆無私載與天地合其德也推之智周萬物 私是以格于形體而不能相通大人无私與道為體 大乎鬼神人與是數者本無二理特以蔽于有我之 无私與鬼神合其吉凶也其與天地无不符合如此 天也而行之而順設之而安天亦不違之矣是大人 又馬往而不合哉存之為剛健中正運之為元亨利

飲定四車全書 ·

請易日鈔

亢之為言也知進而不知退知存而不知亡知得而不 利見矣 天而天皆不違乎大人如此天且弗違況于人者天 然而不容已是天所為即大人所欲為也夫合先後 无往而不合則幽明上下亦无往而有違信乎人之 之心思神者天之用又安有或違乎夫大人與天地 所為即天所欲為也有時天所已有之事聖人體天 意而繼行之是後乎天也而適所以奉乎天時之自

之為言也以其見幾之不明貪于前而不顧其後知身 聖人乎 知喪其唯聖人乎知進退存亡而不失其正者其唯 **亢則必有悔然則必何以處此而後免于悔乎葢亢**

甚矣人之昧此者多也其唯聖人乎知進之必有退 之有得而不知有喪是以至于亢是以不免于悔也 之欲進而不知有退知位之欲存而不知有亡知物

秋年四年全十二

騎易日鈔

存之必有亡而處之以道固非溺于趨利而有貪得

坤 元亨利牝馬之貞君子有攸住先迷後得主利西南 神神 分り上人と言 坤至順也至順則虚心順應不違物之理不拂人 朋東北喪朋安貞吉 聖人乎固知時有亢聖人无亢也 忘患之私亦非巧于避害而有以退為進之析確然 循理之至當而不失其正者信非聖人不能也其唯 上下 得

子之有所往也苟先物則致迷惟處後乃為得主于 讓陽而甘守其力之所可及是乃坤順之正也故君 然陽于四方無不統而陰則僅處其西南是凡事皆 則僅得其後陽主于裁物之義而陰僅可以順其自 **陰不可以敵陽故常減于陽之半陽以先統後而陰** 順之中有健以持之如牝馬之順而健乃其貞也益 當獲元亨也但陰柔之性不能堅久故必常守此順 性自然在彼無惡在此無數矣何行而不可其占亦

大王日東と馬

請易日動

Ī

金に人工を入る 是即牝馬之貞在能為所可為而古也 苟越分而求全乎陽之所為則妄動必凶矣惟審分 為陽之所為豈不更善而无如陰柔之分實止于此 順利而不敢造作往西南陰方則得朋若往東北陽 方則喪朋可見後也利也西南也皆順則皆貞也若 既明心安于陰順之貞而无所冀馬是即順中之健 先也義也東北也皆陽健之為非坤貞也夫人茍能 蒙引日乾離皆從乾道大通至正上看來坤辭皆

欠日日日日日 **彖曰至哉坤元萬物資生乃順承天** 其所以資生者實非自為乃順承乎天之氣而生之 他至矣哉坤之元乎舉萬物之廣莫不資坤元以為 耳舉天施之功而地能承順之自天以下孰有加乎 形生之始此坤元之徳所以為至極而无少數也然 坤道无不該而成形之大者惟地武以地觀坤之四 吉總結上文 從陽全陰半上看來利北馬之貞總含下文安貞 請易日動

坤厚載物徳合无雖含弘光大品物咸亨 金号四人百言 遂光顯而盛大馬品物之廣莫不潔齊而咸亨此坤 物此其德固配合乎天之无疆矣武由其厚德觀之 資之不窮用之无量益至學也以其至厚者持載萬 之亨也 若坤之亨何以見之夫坤本造化陰順之氣亘古來 地德者甚矣其為至極也 氣之内含蓄萬氣極其弘廣而由是發之于外者

大と口目とう 先迷失道後順得常西南得朋乃與類行東北喪朋乃 牝馬地類行地无疆柔順利貞君子攸行 泉可識坤之柔順由无疆之泉可識坤之利貞益承 性順則地類也且行地无疆則順未嘗不健矣由化 終即其順之健即其利貞也此坤之利貞而君子所 若坤之利貞而取象牝馬何敷益馬本乾象而牝馬 法以行也 天即其柔順而柔順之徳未曾止息使生物皆克有 請易日動 二十四

安貞之吉應地无疆 金与四人名音 惟 北 得其柔順之常西南得朋乃與其柔順之類同行東 惟君子攸行法乎坤之柔順故其占宜安乎陰之分 終有慶 惟攸行皆利于順故必安貞而後許之以吉者正以 而不敢全乎陽所為先迷則失其柔順之道後順 喪朋則必復就于西南而終有慶信乎君子攸行 利于柔順 也 則

决定四事全雪 ~ 泉曰地勢坤君子以厚德載物 得于心者無少缺乃能承載天下使人民各得其願 君子亦有厚徳馬寬仁之為于念者无少簿義理之 其至順矣夫地勢所以高下相因无窮者以其厚也 坤泉地重坤之泉如地勢高下相因之无窮此可見 安貞者地德所以无疆君子心安于貞則與地之无 四德先迷失道以下方釋占解 疆相應合而無間又何不吉乎君子攸行以上分釋 請易日創

からいんとこ 初六履霜堅冰至 長亦非人所與然陽主生陰主殺則其類有淑恩之 霜 至也占者可不謹于微哉夫陰陽不能相无而其 端甚微而其勢必盛故其象如復霜則知堅冰之將 者矣 而事物各得其理所載之物亦有髙下相因之无窮 分馬故聖人作易于其不能相無者既以健順仁 陰氣所結盛則水凍而為冰此文陰始生于下其 消

· 飲定四車全書 陽柳陰之意益所以贊化育參天地其音深矣 之屬明之至其消長之際淑慝之分則又深致其扶 為私為利而凡小人之道屬馬聖人作易于進退 陰常居右而以夷傷機殺為事其類則為柔為暗 東而已陽生于北長于東而盛于南陰始于南中 其類則為剛為明為公為義而凡君子之道屬馬 于西而終于此故陽當居左而以生育長養為功 朱子曰盈天地間所以為造化者陰陽之終始盛 時易日動 卖

六二直方大不習无不利 **象日復霜堅冰陰始凝也馴致其道至堅冰也** 坤德柔順正固直也賦形有定方也德合无疆大也 陰孽之端莫不由押而玩之而終至于不可制 其道而馴至之故必至于堅冰馴者狎而習之之謂 此三者坤之全德也六爻皆坤惟六二柔順中正為 初六所以有優霜堅冰之象者以其陰氣始疑也由 消長之際示人深矣 万とで

象曰六二之動直以方也不習无不利地道光也 內之直又見其外之方也夫直方大皆地道也人尚 德純足于內而沛然發揮有餘然後于地道為瑩淨 勉而效之或合或否終未光顯惟不習无不利乃坤 惟六二則有柔順中正之徳故其見于動者既徴其 外則處事合其宜而直方之德又極于光輝盛大且 得坤道之純故坤之全德獨歸馬內則居心得其正 不思不勉從容中道不待學習而自无不利矣

火上日日上午

請易日到

麦

金どというとうし 六三含章可貞或從王事无成有終 或出而從王事馬始雖无敢專成而其後亦能建图 以有終也无成者含有終者章也 自能貞固以守然居下之上則章美亦無終藏之理 三陽章美之徳也以六陰居之為內含章美而不露 而光明也 意重六二更切○乾莫盛于九五坤莫盛于六二 凡象傅提出交名則義在文名也從來重動字愚

六四括囊无咎无譽 第日含章可貞以時發也或從王事知光大也 重陰則无才而甘退不中則過于謹守故深藏固閉 如結囊口而不出也人不能害已已亦不能利人占 恐人不知豈能含章也 發是本无章矣從王事而能无成有終由其智之光 明弘大所見者遠自不急于炫耀淺暗之人有善惟 含章可貞豈終于含哉特俟時而發也遇時而不能

欠日日日 八十二

請易日鈔

予公

六五黄裳元吉 泉曰括囊无咎慎不害也 金りにんるす 而已无譽非所計也 慎釋括囊不害釋无咎單舉无咎者四之意求无咎 陰居陰唯括囊不出而已 蓄不露之象三以陰居陽猶或可出而從王事四以 為无咎无譽也陰虚能受有囊泉六三六四皆取含 五尊位也而以陰居之陰為順五為中徳中順之徳

於定四車全書 ~ 泉曰黄裳元吉丈在中也 黄裳之大非飾諸外者可能由其根于中乃見于外 也 之美人人可見如黄裳然以之處已則盡已之道以 充諸内而見于外者一言一行无住而非中順温恭 之處人則得人之心大善而古之道也 盡善而吉也 蒙引曰凡言吉者只是事吉而已元吉則于道理 請易日動 え

上六龍戰于野其血玄黄 陰本不敢敵陽惟陰盛之極遊敢與陽爭為龍戰于 陰盛于陽故與陽俱稱龍陽東于陰故與陰俱稱血 野之泉夫陽方衰固无盛陰之勢陰雖盛亦无獨克 之理兩敗俱傷而其血兼玄黄二者凶不言可知也 中故直方但言其質之中含章但戒其華之露 言裳惟五則為黄裳二雖中而不文三雖文而不 息齊余氏曰文在中止發黃裳義益通坤卦皆可

分グルスイニョ

於定四軍全書 人 用六利永貞 聚曰龍戰于野其道窮也 陰居首故發之遇此卦而六畫皆變者其占如此辭 陰盛至于窮極則必爭而傷也盡由初六刷習其道 凡筮得陰交者皆用六不用八亦通例也以此卦純 以至此故兩示其道字具載始末 堅冰之至于其終 初日堅冰至防龍戰之禍于其始上曰龍戰于野著 請し口動 1.

象曰用六永貞以大終也 陽大陰小先陰而後變為陽是始雖小而以大終也 **永其貞矣故戒占者宜于永貞即乾之利貞也自帅** 益陰柔不能固分六陰皆變而為陽則順而能健能 而變故不足于元亨云 雲峰胡氏曰既提出陰陽二字于乾坤初交至此 雲峰胡氏曰坤安貞變而為乾則永貞安者順而 不動求者健而不息

队定四車全書 文言曰坤至柔而動也剛至静而徳方後得主而有常 清也此文王所謂利牝馬之貞而吾所謂柔順利貞 其作成之德則賦形有定不可移易未常因靜而 專成至柔矣而及其氣機之發動也勃然莫禦其力 坤之為坤其道誠何如乎以地觀之類然處甲不敢 含萬物而化光坤道其順乎承天而時行 之剛決未當遜乾也寂然安處無所造作至靜矣而 日以大終以見陰為小陽為大陰陽之大分明矣 讀易日動

ゴラロノ ヘニー 施于下而地即以資生者承之不敢先乾而起亦不 總斷之坤道固可知矣坤道其順乎天以資始之氣 大者此也然則合所謂利牝馬之貞與所謂亨者而 遂光顯而不可掩此文王所謂亨而吾所謂含弘光 之舉萬物之生氣俱含蓄于地中而發達于外功化 謂後得主利與吾所謂後順得常者此也再以地觀 无時无事非後利也所行如是尚有常矣此文王所 者此也以人事之占言之以處後為得主于順利而

火モコーと 積善之家必有餘處積不善之家必有餘殃臣弑其君 子弑其父非一朝一夕之故其所由來者漸矣由辨 總皆順德也坤之為坤如此 坤止一順而凡柔剛靜方後利有常含物化光之屬 謂元而吾所謂乃順承天者此也識坤元之義乃知 敢後乾而不應承天而時行如此其順也此文王所 蒙引曰恭傳有以地道言者有以人之占言者此 則復錯舉以申之不可附會以貞利亨元之說也 讀易日動 华二

直其正也方其義也君子敬以直内義以方外敬義立 金げているる 私之體也正也方者其應物裁制之用也義也君子 六二直方大之徳以何學而成乎夫直者其本心无 不慎也 而德不孤直方大不習无不利則不疑其所行也 何以直人心怠玩故惟見私意膠擾君子則主敬收 家之慶殃由于積紙逆之禍由于漸甚矣微之不可 之不早辨也易曰履霜堅冰至盡言順也

若一敬主乎内一義防乎外二者並立夾持吾心使 敬而无義則公私不明而敬亦不克獨存是皆孤也 方正而不可移易總義則外自方是義以方外也夫 為權衡故是非長短偏私互見君子則辨義本天理 之公以為裁制區畫使其是者決是非者決非截然 **飲嚴肅心常惺惺使其胸次洞然無纖毫委曲總敬** 人之修徳義而无敬則中心无主而義亦莫能自辨 則內已直是敬以直內也何以方人處事不奉義理

次定四車全等 ~

讀易日動

陰雖有美含之以從王事弗敢成也地道也妻道也臣 乾二言仁坤二言義 道也地道无成而代有終也 造于盛大也故曰直方大不習无不利者正以敬義 然行之而无疑又何侍于習也乾二言誠坤二言敬 功純直方徳備則本心洞達天理流行日用之間 足以生敬始覺吾徳有所持循依助而不孤所以日 神明之内非敬即義更无間餘且敬足以生義義又 沛

天地變化草木蕃天地閉賢人隱易曰括囊无咎无譽 弗敢云者非才不足乃分不敢也

春生秋落氣至即應問不容髮聚人與天地之氣不 葢言謹也 (與天地萬物同是一氣泰則見否則隱猶草木之

隐遁之時 相通氣至而覺者獨賢人而已所以有括囊之謹也 交義 所指寬或事宜慎密或時當隱遯文言則單指

耿定四車全書

讀易日彩

四十四一

正位居體 君子黄中通理 金りでんとう 黄也 正乎君位而能謙抑待人自居乎下體此五之順德 六五何以為黄裳也益君子之心虚中无物是黄中 而解所以取象于裳也 也而无物之中自覺萬理融通无少滞礙條理各得 无少混淆黄中通理此五之中德而解所以取象于 基

美在其中而暢于四支發于事業美之至也 布莫非順馬虚中之體存乎中而暢發于外无非謙 抑此乃美之至也已 達于四支冲和洋溢莫非順馬發施于事業優優數 夫中順析言之則二也合言則惟中故順益黄裳本 蒙引口陽四支發事業要切居體意不可泛泛 說一 物耳君子有黄中通理之美充積于中而由是暢

次定日車全等 一

讀易日動

陰疑于陽必戰為其嫌于无陽也故稱龍馬猶未離其

盛終不離乎陰類故稱血以見陰之亦傷不能獨害 實而言天則玄地則黄又以見陰陽之有定不可得 于陽也何以言玄黄玄黄並舉是天地之雜色然究 故稱龍以見陽之未當一日絕也何以言血益陰雖 陰盛之極勢與陽相似盛者不復安于早衰者終不 降其尊固必戰也何以言龍為此時純陰疑若无陽 類也故稱血馬夫玄黃者天地之雜也天玄而地黄 上何以言戰益陰下于陽則分得其平爭于何起今

かりせんとい

世界上 屯元亨利貞勿用有攸往利建侯 师 相易也

未伸事之方管而未通時之方創而未平皆屯也皆 才以齊而卦有震動之徳在險中而能經營布置不 鬱而未暢之意也此卦以震遇坎震當乾坤之始交 而即遇坎險正創始未通之象故名屯屯難之時需 屯難也與否之塞蹇之滯困之窮不同物之始生而

头定口草全营 人

請易日動

1

彖曰屯剛柔始交而難生 金りせんとうて 濟屯又有要務馬在立君以統治而初九陽居陰 識大義而徐聽其時勢邀險功超小利不可為也然 于建侯也 為成卦之主是以賢下人得民而可君之象故又利 者惟利在固守正理不可遽有所往濟大事者要在 坐以待困馬不患不大通也故當得元亨但所云動 屯者震為剛柔之始交震而遇坎是始交而難生比

大足四百人馬 ! 雷雨之動滿盈天造草昧宜建侯而不寧 動乎險中大亨貞 乎兩間屯象也正如天運未通之日天下未定則雜 所謂利建侯者由卦象觀之雷雨交作雜亂晦冥塞 開始未通之象故名屯也 之義統此矣 許其大亨險非輕舉縣進之地故戒以貞勿用攸往 所謂元亨利貞者卦德動乎險中動有幹濟之用故 納易日鈔 学さ

金ラロカとうし 昧之禍哉甚矣屯之未易處也 建候之後豈敢遽謂安寧而致流于荒怠以復生草 亂之甚謂之草名分未明則晦冥之甚謂之味此時 正宜立君以統之然後草者可治昧者可明也然而 識者知其不終矣 者耳如更始諸將一立更始便只日夜縱情聲色 **蒙引曰人情易滔于晏安一立個君便以為安寧** 了則終无以撥亂反正所謂電起温減乍聚乍散

张定四年全日 一人 初九盤桓利居貞利建侯 泉曰雲雷屯君子以經綸 屯難之世人皆惶懼沮喪不敢有為殊不知正君子 初陽剛震動正濟屯之才也然以其居動體則志固 有為之時也 而條其節目然後草者就緒昧者向明而屯可通也 治其草珠必先經以引之而正其大綱又給以理之 雷雨作則解矣雲雷方與屯鬱之象也君子當屯時 讀易日動

一聚日雖盤桓志行正也以貴下賤大得民也 分りせんと言 盤桓者以甚欲進之心而厄于不得進之勢恐不暇 亦有得民而為君之象故象為利自建為侯也 居負難進而終必有可進之會也而初九以陽下除 進也而初九以剛居剛亦有得正之象故其占利于 進也得无盤桓而難進乎夫難進則不可像幸以求 進也所應者陰柔險陷之交則依倚之人不足與共 欲進矣以其居難初則時未可進也在下則勢不足

六二屯如遭如乘馬班如匪愚婚媾女子貞不字十年 バス・シリー・レジェ 乃字 六二陰柔中正其德為人所欲求然既正應于五矣 之也 自尊亢而下乎賤所以大得乎民而便位不得不屬 而居陰下是能以安人利物為懷舍已便民為計不 復爾其正矣然初九剛正其志自在行正不以盤桓 而變也其曰利建侯者初有剛動之德可貴者在我 清易日的 乳

數窮理極之日妄求者知我必不可求而去而後得 可拔也斷不從初如女子守正而不許嫁直至十年 求而懸侍于地遠勢東之正應乎且士為知已者用 意何其殷勤在人情以利較之何忍拒近我者之殷 之屯我非為風也乃求與我為婚媾耳此其厚我之 而遭回不進若乘馬而且前且却班布不進也夫初 而近乘初剛又為初所求故為初所屯難欲與五合 二亦不為无辭以謝五然而六二中正之守則確不

六三即鹿无虞惟入于林中君子幾不如含往吝 象曰六二之難乘剛也十年乃字及常也 陰柔才弱也居下位界也不中正立心制行不善也 變者妄人耳 字則復常矣明君子之處變而不敢棄常也好言權 合乎正應馬如十年乃字也六二之泉如此是為不 以利害伤義不以盛衰易心占者可以戒矣 二之屯難以乘初剛則必為所求也應五者其常乃 題易日紀

六四乘馬班如求婚媾往吉无不利 泉曰即鹿无虞以從禽也君子舍之往本窮也 多方匹在全書 若貪而往馬徒取各耳 虞人尊之惟陷入于林中而已君子知幾不如舍之 耳君子舍之誠知往之必存窮也 上无正應无接也但陰柔不中正之人雖不可進而 即鹿无虞非有濟世之志特貪乎功利遂不覺躁動 躁于進則非但不遂其進而反以取困如即鹿而无

泉曰求而往明也 輔夫今日之勢天下成敗固在于初四乃求得此人 情不他適而必不肯枉已先來也故四宜求之以自 應已是我之婚媾也居下則猶未就我也守正則雖 才弱不能自進然得正則不似三之妄進故且前且 知已之不足而甘心求初非明者能之乎知濟屯之 却有乘馬班如之象所幸初九守正居下以應于已 以往齊屯何吉如之又馬不利之有

於三四草全書 人

讀易日鈔

九五屯其膏小貞吉大貞凶 分りのかとう 中是失勢也六二正應才弱不足以齊是无援也當 此時而又有初九得衆于下民皆歸之則五雖坎體 後至皆必審于理勢之正者乃能之 必待于初知初之為已正應又知正應之必待求而 有膏澤將安施乎為屯塞其膏之泉是益徳不能抗 九五雖以陽剛之才中正之徳居乎尊位但陷于險 此是贊詞不作推本説

於定四年全書 人 泉日泣血連如何可長也 上六乘馬斑如泣血連如 **聚曰屯其膏施未光也** 屯極則當通上居屯極正一機會也然才弱无應進 無所之憂懼而已故象如此 屯其膏非不施也縱施之未能光大也 時理不足勝數無可為也處此者于小事而行之以 正猶可吉若大事則雖正亦凶矣 該易日動 至一

にした下 蒙亨匪我求童蒙童蒙求我初筮告再三瀆瀆則不告 紫昧也物生之初紫昧未明也此卦以坎遇艮山下 利貞 有險山下已險矣又遇險陷手足靡措紫地也內險 不容待如第立血連如而已則亂亡及之何可長 屯極之時若不變而為治即入于亂亡止此二者更

分りいるとう

紫意也故名紫人心蒙昧惟剛者有以發人之蒙惟 外止如人心中既危檀不安矣外又阻礙而不如意 心讀亂讀亂則不告矣待求而受之待求之誠而教 告矣若心不專一若筮者之一事而筮至再三則其 五下應之則匪我求童蒙也乃童蒙求我故可施吾 也然善發家者豈往求童家而教之哉二剛中而六 剛而中者又善于發蒙九二剛中以之治蒙亨可必 教也且其求我者必至誠專一如筮者之初筮則可

歌定四車全雪 精易日郎

至

彖曰紫山下有險險而止紫 自 グレスノニア 紫者卦象山下有險紫之地卦德險而止紫之意合 理故之治家具此三義故家可亨也 两義而名蒙 之皆剛中之用也至所以發蒙之具則惟利于以正 雙湖胡氏曰乾坤之後屯主在震初文紫主在坎 地既位君師立矣 二爻此長子代父弟次兄之象屯君道崇師道天

蒙亨以亨行時中也匪我求童家童家求我志應也初 聖功也 蒙而能亨非紫自亨也治蒙在九二而二能以可亨 筮告以剛中也再三讀讀則不告演蒙也紫以養正 童家不我求而非時中則又不待求而應之矣故所 之術又因時而當其可是以亨也茍无可亨之道則 之道而行之且又得乎時中葢既有教人之道而施教 謂匪我求童家童家求我者正以五之志應于二二

飲定四庫全書

讀易日動

ない

泉曰山下出泉家君子以果行育徳 中則告之不以其節矣故所謂初筮告者以二剛則 也凡此皆以亨行時中之事也至所謂利貞者益家 能告中則必待其誠而後告也再三瀆瀆則不告者 非有求于五也抑无可亨之道則无以告蒙而非時 聖人之功也教蒙何可不貞乎 而養之以正則其去聖城雖遠而此日所為即求為 再三而亦告之則彼固瀆我而我亦為瀆蒙故不告

すっしし とう

初六發紫利用刑人用說桎梏以住各 夫昏蒙甚者告之而弗喻引之而屢違非痛懲不能 陰柔之性而僻處下極蒙甚矣不可不求所以發之 山下出泉勢雖必行而流則有漸未能遽達家象也 泉非紫出之山下則蒙也夫人當紫未知所適也必 知警而有奮故利用刑人也然痛懲之後又宜暫寬 治人之家與自治其家皆然 果決其行而達之蒙未有害也必育養其徳而成之

大きり日とは

讀易日動

Ä

九二包蒙吉納婦吉子克家 泉曰利用刑人以正法也 金片四层石品 法而後法可正以為愛蒙之必由乎此也 用刑人非酷暴也發蒙之初矩開不可不正刑其不 九二以陽剛為內卦之主統治羣陰當餐蒙之任者 舍之以徐觀其後用說去其桎梏之刑馬尚純用刑 以理言之所治既廣物性不齊不可一縣取必也而 人以往而不舍馬則終不足以發彼而我可各矣

泉曰子克家剛柔接也 子克家雖二之能然非五任之二亦不能成功二剛 然我以我之剛而彼以彼之柔味殊臭别呼之而不 而五之柔與之接意相入情相幹二始得有其教不 當之矣 善于治蒙能任上事有子克家之象占者有其德則 而陰得所歸有納婦之象亦吉占也又二居下位而 交德剛中實能包容而并育之吉道也且以陽受陰

次足口巨A

讀易日彩

卖

泉曰勿用取女行不順也 六三勿用取女見金夫不有躬无攸利 生がしてんとうで 夫報不自有其躬馬取之何所利乎 陰柔不中正昏愚而志邪蒙不足以盡之以女取象 則此女也人勿用取之也彼其貪欲忘恥見有金之 靈施之而不受二何為耶 如女雖无他長但知自慎者皆可取也若見金棄躬 人未論才之高下但其操行知慎則君子猶欲與之

六五童蒙吉 **钦定四車全書** 泉日国蒙之杏獨遠實也 六四国紫春 甚可各也 此其可恥也獨字重 羣陰皆近陽四獨遠之人皆欲上達而我獨甘污恆 既遠于陽又无正應獨守固陋誰與發之困於崇馬 不慎之大者斷不可取矣 讀易日釣 ませ

泉曰童紫之吉順以巽也 一九擊뿛不利為冠利禦冠 巽從而相入五有順徳以巽乎二此童蒙之所以古 护 于剛明是為童家之象聖功可修吉道也 雖居尊位而賦性柔中下應九二純一未發以聽治 以剛居上治蒙遇剛有擊蒙之象夫取必太過攻治 人不思蒙患有餐蒙之人而我心不早順不能與之

象白利用禦冠上下順也 我之用剛得其宜而人借我之剛以去其是彼亦樂 樂冠馬則雖過于嚴客亦其宜矣 吾之用剛也上下皆順不亦利乎 聖人行事惟欲人我各得其道則利矣禦是以剛則 題甚不利于如此也若 桿其外誘以全其真統為之 太深則反阻其知能而无以自進于善是我反為彼 順字貼利字然上下二字亦不可畧益治家者不 讀易日鈔 奉公

飲定四庫全書

以 以 上 下 需有乎光亨貞吉利涉大川 強進以速敗也此卦以乾遇坎剛健務進然遇險而 需待也天下事當時之未至機之未通雖聖人不敢 **小遽進侍之義也故名需夫人之需侍有限于勢而** 然故利 因以順必下之道順而後上益見其順惟無冠能 可以已居上遂惟意所行也必上之道順而後下

亨通矣又能守其正理應事之際惟行其天理所當 行而无所僥倖則其事可濟而古矣凡事皆吉而大 待真覺義命之可安則時之至否一毫不以累其心 吾見其絕計較之私而心光明矣絕憂患之擾而心 之有將涉水而不輕進之象夫需待而有乎實心以 陽剛中正以居尊位有得貞之泉坎水在前乾健臨 不正非能需者也此卦九五坎體中實有中孚之象 非出于心之實然者非能需者也或心實需而事有

欽定四車全書

讀易日動

五九

彖曰需須也險在前也剛健而不陷其義不困窮矣 道内欲孚而外欲貞不可易也 川險難之際尤宜需之以正貞則又利涉矣信乎需 需之義須待也而此卦所以名需者坎在上乾在下 以卦他推之是有險難在前也夫陰柔性躁不能力 亂智不鑿者此道而已 胸而行事一循乎本分聖賢所以成大事而氣不 孚者若將終身馬心中實放得下也以此皎潔心

欽定四庫全書 需有乎光亨貞吉位乎天位以正中也利涉大川往有 躁動之念所以能爭能貞而光亨且吉也利涉大川 功也 正則規模正大外无茍且之圖中則處心虛静內无 則事之需與不需權固在五矣而五實有正中之德 需而謂之有爭光亨貞吉者益卦體九五位乎天位 可以不困窮矣 待若剛健則沉毅不苟而不肯冒陷于險此其義固 讀易日動

初九需于郊利用恒无咎 泉曰雲上於天需君子以飲食宴樂 當需者亦不容更有所為但飲食吳樂俟其自至而 已一有所為則及敗矣 雲上于天无所復為待其陰陽之自和而雨耳事之 特不困窮而已故云利也 涉大川則沉殿堅定有忍而克濟矣往則有功又非 者卦泉坎陷有大川之象乾健有利形之泉以乾而

象曰需于郊不犯難行也利用恒无咎未失常也 志以安處于郊馬則免咎矣 國外曰郊未近于險之地也初去坎險尚遠其需也 郊本無難若不知需是難非有意來困我而我固犯 侍而躁東忽動又變常而姑試馬皆取咎之道也初 需于郊之象也夫事未及我而我強與馬或先已静 九乾剛有能恒于其所之象故需郊者惟宜恒其心

火こり ライルラー

之以行也難不可避亦不可犯初所以需于郊也需

讀易日動

至

九二需于沙小有言終吉 金月四月五十 泉曰需于沙行在中也雖小有言以吉終也 傷或小有人言之災然剛中之人沉毅而善隨時必 常則庶幾无咎也 者初本然之能固其常也无故而失其常度有舉旨 不激于人言而失其需故終能濟險而吉 謬矣故利用恒乃无咎者此時无他善可其惟未失 二比初則漸近于險矣需于沙之象近險不能无小

九三需于泥致冠至 終也 當急進也故雖有小言之傷而處之有道自能以古 三凡二則又近于險矣為需于泥之泉夫難已迫身 一雖近險然本性剛健能寬行自得以居乎中道未

大いつmusymm III

職場日動

7

象曰需于泥災在外也自我致忍敬慎不敗也

而九三又以過剛不中處之適足以致冠害之至耳

需于泥則災已在外一舉足即入災矣故冦至而曰

六四需于血出自穴 金号世人人 静以待之而不妄動又可以自險而出益正與九三 在殺傷之地而需馬為需于血之象然柔順得正能 血者殺傷之地穴者險陷之所四交坎體已入乎險 致者三自過剛自我致之也誠使敬以居心而愿患 之象相及 敬慎教之自能審宜量勢可救其不中之病矣 又加慎馬固不至于敗也益過剛則傲忽取敗故以

大足可目 心 九五需于酒食貞吉 泉曰需于血順以聽也 酒食晏樂以需之而已得正而吉 需將極矣而九五以陽剛中正需于尊位時无他為 常顧人自處如何耳 則殺傷之地不可一息處安能需平三在險外而過 血而需馬益本其柔順之心以聽乎時也使非順聽 剛以致冠四已入險而順聽以出穴天下事成敗 讀見日釣 なと 何

上六入于穴有不速之客三人來敬之終吉 泉曰酒食貞吉以中正也 金岁四月日十 陰居險極才不足自極時已需極无復容待透陷而 進陰不能禦而順之有敬之之象夫我方溺于極險而 陽正需極而並進為不速之客三人來之象三陽既 需于酒食非晏安荒逸之比也以其有中正之德内 不躁而外不茍故能安以侍之酒食即其正理也 人于險中矣有入于穴之泉幸下應九三三與下

象曰不速之客來敬之終吉雖不當位未大失也 才足以濟其位之事則為當位陰居險極是不當位 而將有大失也惟不速之客來而能敬之則雖不當 雖不在我我敬侍之固可資其力以出險也終吉 忽有強力之人連類而至是我意外之幸也彼之志 蒙引曰此交彷彿如漢高為項羽所怒忽得項伯 救之之類世事如此類甚多惟有智量之人步步 得活法要在寧耐委曲上

Let tel Crimi Lider

讀易日齡

位而未至于大失不大失即吉也

金月四月五十十

訟有爭窒惕中吉終凶利見大人不利涉大川 訟爭辯也攻責也此卦上乾下坎以上下言上剛以

好以兩人言則此既險能脅彼短以為離彼又健能 脅以一人言內險則心忍于害物外健則力足以遂 制其下下必有所不堪下險以伺其上上又為其所 為我敵而不屈凡此皆訟道也故名訟及觀卦內

欽定四庫全書 快則凶道也大人中正能公能明斯利見之若涉虚 尊位有太人之象以剛乘險為以實復陷有不利涉 惕属可己即已惕而中馬則吉苟務終極其事以為 大川之象文王本其象以著戒曰凡訟者必情真理正 **惕泉卦變自遯來剛來居二而得中有中泉上九過** 而見枉于人有乎而見室則不免于訟矣然必心懷 剛居訟之極有終極其訟之象九五剛健中正以居 二中實上无應與有有爭而見室之象坎為加憂有 讀易日動 .

彖曰訟上剛下險險而健訟 懼苟可已而已馬甚不樂其事之終益以不欲訟之 乎乎果見室乎是自及至矣恕物至矣然猶自惭自 心而行乎訟依然仁厚正大之意也 見訟之辭何忍聞訟之意何忍萌也然必言不可訟 冒險涉大川馬則不利也訟雖衰世之事而聖賢處 之依然仁厚正大之心天下皆我同體訟之事何忍 又非所以御末世之變不得已而訟馬必自審果有

訟有學室惕中吉剛來而得中也終凶訟不可成也利 中實无應之象加憂得中之象皆出矣其曰終凶者 其為有字室惕中吉者以卦變推之訟有自遊變來 由故名訟 訟者以卦德推為上剛下險又為險而健皆致訟之 之義遯九三之剛來居于二而得中馬惟二居中則 見大人尚中正也不利涉大川入于淵也

於定四華全書 ·

衛易日創

なべ

以理言之訟非善事不可成也若終之則樂成其事

泉曰天與水違行訟君子以作事謀始 **乾剛而實坎險而陷以實物而優陷物之上則墜沒** 之端則訟永絶矣 始之不慎君子凡所作事必謀其始使其後无可爭 天上水下相違而行訟象也凡訟生于爭爭皆生于 是凶人之道也曰利見大人者以卦體推之繁辭聖 于深淵耳故不利 《益取九五之中正也不利涉大川者以卦象推之

かりせんとこ

XIL DIE LIMIT 九二不克訟歸而通其邑人三百戶无情 象曰不永所事訟不可長也雖小有言其辨明也 初六不永所事小有言終古 曾不明又何不吉乎 有言語之傷而終于獲吉 不永所事益訟原不可長也雖小有言然其辨之未 下勢甲故其訟也能量力知止而不長永其事雖小 人之終訟必剛健有勢力者能之初六陰柔才弱居 讀易日鈔 <u>柔</u>

金月四月百書 庶可免于災患矣无情 其所逃之地又邑人三百户之小邑自處果約如此 則其心猶知自屈于理况上應陽剛居尊之九五勢 陽剛為險之主本欲訟者也然以剛居柔得中于下 雙湖胡氏曰初三四吉二僅无青者以犯分于先 九二九四皆以剛居柔故皆不克訟但九四居健 不克而後通氣非本无訟上之心也雲峰胡氏曰 相敵故始雖欲訟而其後竟不能乃歸而逋逃馬

大三日日上上 六三食舊徳貞隔終吉或從王事无成 象曰不克訟歸逋竄也自下訟上患至掇也 陰柔才弱非能訟者此其素分所謂待徳也夫能訟 之訟五乃下訟上也自下訟上勢分不敵則其患之 至皆自取也二明乎此能无逋竄耶 非不能訟者今乃不克訟而歸道竄也何哉益二 體之初非能用其健者九二為險體之主則本欲 用其險者以勢不敵而避故僅可无情 战易日動 <u>六</u>

金少四人人 **聚日食酱施從上吉也** 爭為貴而任事以有為為功如三之才或以從王事 適以召禍故其衆為守素分而居正馬則雖有被侵 則不能成功也益爭訟貴其怯而有為存乎才此句 之人好訟尚凶况才弱之人不安其分意欲免危而 泛説與上丈不相繫 之鴈而我不好訟患无由生終必古矣然處訟以无 食舊徳者才不足有為惟從上所為則吉也故有无

九四不克訟復即命谕安貞吉 成之戒 有柔故能復還就正理而以言其心則已脫然大變 析數攻取之私熾于外安肯降心以就正理四剛中 剛而不中有訟之象以其居柔故又為不克訟而復 邪故命者正理也好訟之人是非忿怨之氣勃于中 人受天命以生天命以善不命以惡命以正不命以 反就于正理且渝變其素而心安于貞馬吉道也夫

次足可草全島 一

職易日鈔

泉日復即命渝安貞不失也 九五訟元吉 ゴビノロ・人 ノニモ 陽剛中正以居尊位聽訟而得其平者也訟之直者 向也鹖私智背正理其失甚矣今復歸而即命渝變 貴无過而貴改過故許其吉 其科強角勝之習不待矯強而安處于貞也聖人不 何為不復不渝以甘失乎 而安貞是乃得其立身制事之本則而不失也人亦

於足四年全馬 **桑曰以訟受服亦不足敬也** 上九或錫之攀帶終朝三號之 象日訟元吉以中正也 剛居訟極好強務勝此終訟之凶人也當其幸而勝 中則聽不偏正則斷合理故訟之直者利見之 見之必獲伸矣大善而古 次褫奪之矣況所謂勝而受賞者又未必然乎 也或受賞于上而錫之鞶帶之服然終朝之間已三 Į. 騎易日動

神处下 師貞丈人吉无咎 ダンリス ごう 為能者乃天下之大愚其所為榮者乃天下之大唇 師兵衆也此卦下坎上坤伏至險于大順藏不測于 也亦可哀也 見者睡棄況因訟受服者又萬无一二乎甚矣其所 至于受服而極矣然以訟受服亦不足敬校横取荣 凡好訟者彼益以訟為能以勝為榮耳夫訟勝之榮

任丈人為將則師出有功吉矣又何咎丈人不必素 安民為主不忿不貪師得其正此第一本務要務也 熟悉事變而持重遠處者乃可為將也行師以貞又 然行兵制勝變化不可概舉要在任老成明達之人 出師之象故名師夫行師非聖人得已惟一以禁暴 以剛居下任事六五以柔居上而任之為人君命將 有將帥之象上下五陰順而從之有兵衆之象九二 至静有寫兵于民之象又惟九二一陽居下卦之中

飲定四車全書

讀易日鈔

彖曰師衆也貞正也能以衆正可以王矣 義願以為主可以王矣此行師所以首貴貞也 不正則為爭奪之禍以之于正則為王者之師夫行 以者欲左之則左之欲右之則右之之謂然以之于 師之為言衆也貞之為言正也卦體一陽在下之中 而五陰皆為所以此將帥之事兵衆皆聽其所以也 居崇貴但才謀徳業衆所畏服者是也 不義殺一不辜而得天下不為則人孰不懷徳服

於定四車全書 剛中而應行險而順以此毒天下而民從之吉又何咎 毒如殺戮之條供億之煩征戊之苦皆是 乎天下而民且悦從之事必克動合義吉又何咎矣 矣 願此丈人之他也丈人才德若此則雖以兵事毒害 行險而順行兵凶戰危之事而一皆順乎人心之所 則有勇有威中則虚東善應此丈人之才也卦德則 其曰丈人吉无咎者卦體九二剛中而六五應之剛 請易日動 イナー

泉曰地中有水師君子以容民畜衆 兵特兵形見則為亂惟藏兵于民凡平時厚其生聚 善其政教皆以容保吾民耳而一旦有事即用之為 水惟見地而地之内實莫非水君子知國家不可无 水之險記于地外則為害矣惟藏于地中天下不見 矣 之如毒樂之攻病非沉疴堅癥不輕用也其指深 雲峰胡氏曰毒之一字見王者之師不得已而 用

2.17 初六師出以律否臧凶 始不善則伍亂陣囂必為敵乘矣凶 在卦之初出師之始也出師之道當謹始守律坐作 嚴其法所以一耳目齊心志為不可敗之基也尚其 四代五代之不敢亂皆有法馬當出師之始即宜申 進退之有節牛馬臣妄之无逸六步七步之不敢越 見民而民无非衆也 兵益容民之中即以畜備其衆所以天下不見衆惟 南あョ歩 ナナニ

一跃定匹庫全書 九二在師中吉无咎王三錫命 泉曰師出以律失律凶也 徳而在師中威徳兼濟所謂丈人而吉无咎者也且 在下而統羣陰是將帥之職也而有剛中之德以是 足將之得主以行志未有如二者也 失律必凶而安得不斷斷以律乎 師出以律是必律之斷不可失故如此戒之也觀于 一應于五受其罷任王三錫以命番遇之殷不一 而

.... 象曰在師中吉承天罷也王三錫命懷萬那也 畫不行聽問滋起何由成功乎故二之在師中吉非 三師或與尸凶 獨二之能益由于承天王之罷遇也而王之所以罷 以陰居陽則才弱志剛不正不中則犯非其分以是 心切則其待安萬邦之人自不得不殷耳 一而三錫命者又豈私于二哉懷念萬邦愛萬那之 人君罷任不專則威不伸權不重或中制或旁參計 頭馬耳沙

泉曰左次无咎未六常也 一级 完 匹 庫全書 六四師左次无咎 象曰師或與尸大无功也 陰柔不中雖不足于才而居陰得正量已之力全師 而退无咎 矣何凶如之 三固自必有功者熟意至于與尸是大无功也 人為將則師或至于撓敗覆沒而與尸以歸者有之

AL ALL DING CIA. 六五田有禽利執言无咎長子師師弟子與尸貞凶 是使之與師而歸師雖正而實凶矣 此所謂師貞也但師行雖正而成敗係于用將茍九 田有禽以害旅則勢不獲已利于掉執之而已何咎 柔順而中非好為兵端者特題敵之起實為民患如 常故无咎也 見可而進知難而退兵之常也左次雖无功亦未失 一長子帥師是將已得人矣又使三四弟子參之則 讀易日動 大大

金与四母全書 上六大君有命開國承家小人勿用 象曰長子師師以中行也弟子與尸使不當也 師之終順之極論功行賞之時也坤為土有國家之 象故大君當功成之日有封賞之命馬功大者使之 乎 使之師師當矣若弟子與尸則使之不當也又誰咎 所以必用長子師師者謂其有剛中之道而行師也 國而為諸侯功小者使之承家而為大夫无差元

女足口巨 台馬 東日大君有命以正功也小人勿用必亂邦也 必至于亂形也以其換私任術之心而立之政權之 責其行雖小人亦可有功封賞固元不及也若任以 各此王者所以公天下也然與師之日用人之才不 功也若小人則斷乎勿用致戒如此之嚴者益用之 功有大小必大君親命之而後大小之實可見以正 官政與謀國事則不可故又戒以小人勿用 際彼肯晏然盡心于我而无他乎惟其亂邦之禍有 讀易日彩 ナナ

金少四人人 必然者故斷以勿用 之任不可非人故曰丈人吉无咎益只七字而用 建安丘氏曰出師之道不可不正故曰師貞帥 謙之書 奇正遠甚人君不得已而用兵何必拾此 伐罪旋師班賞无所不載雖後代兵書之煩殆不 而他求哉 如師卦六爻之畧況于論王者之師比之後世權 隆山李氏曰六爻出師駐師將兵將將與夫奉辭 師

次足四車在馬 不如四之无咎聖人以萬世用兵利害而權輕重 師之道盡矣四之无咎不如二之吉而三之凶又 告此无咎四字之間後之出師命將者盍亦鑒 請易日動 ナナナ

讀易日鈔卷一			金河巴西台灣
_			
ĺ			卷一
			: